



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600005136L


28

290.











*24 deno. doctifs. ant. 1810*

# **O R A T I O**

**DE**

**GERMANO THEOLOGO,  
LITERARUM SACRARUM INTERPRETE.**





---

**ABR. DES AMORIE VAN DER HOEVEN**

**ORATIO** 16.

**DE**

**GERMANO THEOLOGO,**

**LITERARUM SACRARUM INTERPRETE,**

**HABITA AMSTELAEDAMI IN**

**AEDE SACRA REMONSTRANTIUM,**

**CUM IN**

**EORUM SCHOLA THEOLOGIAE ATQUE HISTORIAE  
ECCLESIASTICAE PROFESSIONEM**

**SOLENNI RITU AUSPICARETUR**

**A. D. XXVIII. NOVEMBR. ANN. MDCCCXXVII.**

---

**DELPHIS BATAVORUM,**

**APUD VIDUAM J. ALLART.**

**1828.**

290.



---

**TYPIS C. A. SPIN.**

**ABR. DES AMORIE VAN DER HOEVEN**

**O R A T I O**

**DE**

**GERMANO THEOLOGO,**

**LITTERARUM SACRARUM INTERPRETE.**

---

**SEMINARII HUIUS CURATORES SUMME VENERANDI,  
DOCTISSIMI!**

**CIVITATIS AMSTELAEDAMENSIS CONSUL ET SENATORES,  
QUIQUE HIS AB ACTIS ESTIS, VIRI AMPLISSIMI,  
SPECTATISSIMI!**

**QUI JURI DICUNDO PRAEESTIS, VIRI INTEGERRIMI!**

**INSTITUTI REGII BELGICI SODALES NOBILISSIMI!**

**ILLUSTRIS ATHENARI, SEMINARIORUMQUE EUANGELICO-  
LUTHERANORUM AC TELEIO-BAPTISTARUM CU-  
RATORES, VIRI GRAVISSIMI!**

**VIR CLARISSIME, DECESSOR HONORATISSIME!**

**QUARUMVIS DOCTRINARUM PROFESSORES CELEBR-  
RIMI!**

**MATHESEOS ET ASTRONOMIAE LECTOR EXPERIENTIS-  
SIME!**

**ORACULORUM DIVINORUM INTERPRETES, PLURIMUM  
VENERANDI!**

**ARTIUM ET DISCIPLINARUM DOCTORES, VIRI CON-  
SULTISSIMI, PERITISSIMI!**

**ORNATISSIMI ADOLESCENTES, SPES PARENTUM, RA-  
TIAE, HUMANITATIS!**

**VOS DENIQUE, QUOTQUOT ADESTIS, CIVES, HOSPI-  
TES, CUJUSCUNQUE LOCI, ORDINIS, DIGNITATIS,  
AUDITORES HONORATISSIMI!**

**Cogitanti mihi saepenumero, et animo complec-  
tenti religionis illius divinitus patefactae praestan-  
tiam, quam miseros mortales beavit Deus Optimus  
Maximus, triste ante oculos observatur Ecclesiae**

Christianae, tot tantisque litibus quassatae, et miserum in modum dilaceratae spectaculum. Quot dissidia, inde ab ipsis fere hujus Ecclesiae incunabulis usque ad haec nostra tempora, turbarunt orbem Theologicum! Quot jurgia, quot rixae, quot irae, animis coelestibus heu nimis indignae! Quas qui cognoverit, verae Christi doctrinae rudis, nonne sum sponte inducerent ad credendum, Codicem Sacrum, quae illa continetur doctrina, librum esse aut nugarum ineptiarumque aut aenigmatum quorumvis plenissimum, ita ut altero, qui illa solvat, opus sit Oedipo? Inspectis autem Novi Foederis tabulis, ut se deceptum totoque coelo errantem videret! Quam praeclara hinc omnia, quam sublimia, quam vere divina! sed simul quam aperta, perspicua, simplicia! Mira ubivis cernitur veri pulcrique conjunctio, neque ulla offendimur inapi quaestione. Sed tanta fuit hominum perversitas, ut, doctrinae illius simplicitate atque eximia nec fucata pulcritudine spretis, ipsam ad placita philosophorum accommodare, divinamque sapientiam ingenii humani commentis exornare studuerint.

Quo facto legitimam Sacrorum Librorum interpretationem in dies magis negligere coeperunt Theologi, et fontem non curantes rivulos consecrati sunt. Hinc illae lacrymae! Hinc absurdissima dogmata spinosaeque quaestiunculae, vix dignae lucubratione anicularum! Hinc lites et odia et decertationes cruentae! Hinc religio Christiana sordibus inquinata scholasticis, et ex coelesti vitae instituto in aridissimum disciplinae genus conversa!

Quae cum ita sint, A. A.! cumque acres illae de religione lites hac nostra aetate denuo a nonnullis magno animorum aestu nec sine ira agitentur, nonne omnes, quotquot sincero Christi amore pacisque studio ducantur, huic malo unicam, quae in recta oraculorum divinatorum interpretatione posita est, medicinam afferre studerent? Equidem, ut quae sentiam dicam, hoc Literarum Sacrarum studio nil prius Theologo habendum esse censeo, antiquius nihil. Itaque provinciam perhonorifice mihi oblatam hac hora suscepturum, et pro hac doctissimorum virorum corona verba facturo, hanc potissimum dicendi materiam eligere mihi visum est, ut

in hoc ipso ad novum huncce honorem aditu adpareat omnibus, qua ratione gravissimo, quod jam capesso, munere fungi cupiam. Dicam igitur *de germanò Theologo, Literarum Sacrarum Interprete*. Quod orationis argumentum neque ab hac loci oportunitate, neque a persona mea, neque ab iis, quae vivimus, temporibus alienum fore confido. Auditores autem humanissimos, ut meam et ingenii et dicendi mediocritatem aequi bonique faciant dentque veniam orationi, cujus non gloria nobis causa sed utilitas officiumque fuit, etiam atque etiam rogo.

Germanum Theologum cum voco illum, qui in Sacrarum explicatione Literarum omnem operam et industriam suam collocat, nolite putare, A. A! me reliquas omnes disciplinas, quae ad Theologiam vel pertineant vel aditum parent, parvi facere aut contemnere prorsus. Qui neglectis omnino aut de limine tantum salutatis literarum elegantiorum et philosophiae studiis in Theologiam incumbunt, nae illi frustra desudabunt! Solem enim e mundo tollere



videntur, qui e disciplina nostra tollunt literas, neque ab illarum studio, vel per quietem verberibus caesus, quod HIERONYMO accidisse memoriae proditum est, abduci sese patietur veri nominis Theologus. Philosophiam autem quod attinet, sunt, qui illam e campo Theologiae furcis expellendam esse clamitent, utpote omnium errorum, argutiarum et inanium contentionum matrem foecundissimam. Qui si illorum amentiam dicam an impietatem perstringant, quos, glorioso philosophorum titulo insignitos, sophistas potius appellandos, sanctissimam religionem verborum barbarie et delirantis ingenii somniis inquinasse testatur historia, me suae velim adscribant sententiae; sin vero in ipsam invehantur philosophiam, germanam illam, quae indagat, quid pulcrum, verum justumque sit, videant quorsum tendat oratio! Qualis, quaeso, illa esset religio, quae harum rerum reformidaret indagacionem? At non est ita, A. A. H. H.! non est profecto. Vera religio veraque philosophia amice conspirant. Hujus expers Theologiae cultor illius praestantiam, vim salutarem, divinam originem

penitus perspectam et exploratam habere nequit. Quid? quod secundum justas verasque leges ne interpretari quidem poterit, qui philosophari nesciat.

Sed nolo hisce diutius immorari. Pergamus ad reliquas disciplinas, quae partes Theologiae vulgo censentur, Theologiam Historicam puta, Dogmaticam, Practicam. Harum nullam impune negligat, qui amplissimo fungatur Theologi munere. Et historicam quidem Theologiam, quae fata Religionis et Ecclesiae tradit, in illâ Deum, in hac vero hominem ubivis agentem monstrat, et coelestis instituti terrestres formas exhibet; dogmaticam porro, quae veritates, e Sacro Codice sanae Exegeseos ope erutas, dilucide proponit, illustrat, defendit; practicam denique, quae ipsas ad vitae usum, ad hominis emendationem convertit; has igitur omnes disciplinas, Theologo non modo utilissimas sed prorsus necessarias esse, valde imperitus aut iniquus sit, qui negare sustineat. Neque ego adeo imperitus aut iniquus vobis videri velim, A. A.!

Quapropter in ipso hujus orationis introitu hanc ignominiam a me depellendam esse duxi, nec com-

mittendum; ut, quum de germano Theologo Sacrarum Literarum interprete dicam, caeterarum, quae Theologum cum maxime ornent, scientiarum sive utilitatem sive necessitatem in dubium vocare videar. Sed illud volo, illud contendo, Codicis Sacri interpretationem principatum tenere in Theologiâ, reliquas disciplinas illius ministras esse ac comites dicendas. Haec sola regnet, imperet, dominetur! In hanc toto pectore incumbat, qui Sacrae disciplinae vitam suam addixerit, atque praecipuas Theologi partes in divinorum illustratione librorum occupatas esse debere ita sibi persuasum habeat, ut, quid sit in toto studio Theologico primum, interrogatus, Sacrarum interpretationi Literarum palmam det, eique secundum et tertium locum, donec ab eo quaeri desinat: ut eam videri possit non praecipuam judicare sed solam.

Fortasse miretur quis, me illud studium Theologiae caput et arcem appellare, quod omnium videatur facillimum. Est videlicet genus quoddam hominum, qui, quamquam eximiae illius artis, quae in Sacrorum explicatione Librorum versatur, pror-

sus ignari, Interpretis tamen partes agant, quique adeo mirentur, nostra si vera sit sententia, se amplissimo Theologorum ordini annumerandos esse. Horum autem stultitiam dubius haereo, utrum magis joco excipiendam an commiseratione arbitrer. Quantis difficultatibus prematur Sacri Codicis interpretatio, quantoque eruditionis apparatu ad Interpretis munus rite obeundum opus sit, ERNESTIUS aliique summi Viri satis superque ostenderunt. De gravissimo autem hoc munere copiose dicere si vellem, nae dies me ac latera deficerent. Nonnulla vero huc spectantia obiter monere, res et instituti nostri ratio postulant.

Et ante omnia quidem probe tenendum est, quid sit illud interpretari. Rei definitionem si quaeras, praesto est. Interpretatio (ut monuit WYTTENBACHIIUS, nostrae quondam Scholae decus et ornamentum) est oratio, quae efficit, ut alterius orationem intelligamus. Intelligimus autem alterius orationem, quando ei eundem, quem ipse alter, adjungimus sensum. Hoc igitur sibi proponere debet Sacrarum Literarum Interpres, ut quatenam

cuiuslibet loco subjecta sit sententia, primum candide inquirat, dein dilucide exponat. Quod ut consequatur, in libris divinis interpretandis non alia versatur ratione, quam in humanis. Justa et accurata literarum scientia instructus, sensum verborum per usum loquendi, orationis seriem et locorum similitudinem reperire instituit, repertum accommodat ad cuiusque linguae indolem exprimit, argumentis e Grammaticorum disciplina petitis confirmat, atque ex verbis recte intellectis rerum scientiam assequitur. Praeterea Criticum agens, suo quodvis auctori vindicat opus, neque alienum ei tribuit, lectiones veras a falsis discernit, et, quantum fieri potest, orationem ita constituit, quemadmodum ipsi illam alteris mandarent auctores. Sed nos haec pingui tantum Minerva. Duo autem hic inprimis notanda sunt.

Et primum quidem ab unoquoque, qui Interpretis munere laudabiliter fungi velit, illud jure merito peti posse videtur, ut ne in solis verbis haereat, sed in scriptoris mentem consiliumque penetret. Quod profecto non sine causa monemus.

Quis enim nescit, permultos esse Interpretes, qui rem suam mirifice a semet ipsis gestam putant, cum verborum formularumque significationes tradiderint, de vero loci sensu parum solliciti. Evolvite mihi, quaeso, horum commentarios; innumeris Graecorum Latinorumque Scriptorum locis refertos, quibus singula illustrantur verba, quae verò ad ipsam horum sententiam aperiundam nihil prorsus faciunt. Hoc scilicet est interpretari! Bone Deus! Quantum lucis difficiliori, quem expedire studes, loco hac verborum colluvie allatum est! Spissis hisce libris de manibus positis, cum Demiphone illo Terentiano exclamas: fecistis probe, incertior sum multo, quam dudum! Istos vero mittamus, qui inanem eruditionis laudem venantur, magistros. Sunt alii melioris notae Interpretes, qui tamen hanc in partem non omni culpâ vacare mihi videntur. Nimirum grammaticâ interpretatione contenti negligunt plane historicam. Non quidem sum nescius, A. A. quot quantaque de illâ sic dictâ historicâ interpretatione, praesertim in Germania, a SEMLERI inde tempore agi-

tatae sint lites, quamque gravia illius abusus Religioni inflixerit vulnera. Sed de abusu non loquimur. Facessant omnes, qui, hominis Christiani nomen mentiti, fidem Christianam evertant, maximamque Jesu et Apostolorum doctrinae partem ad mera referant commenta Judaica. Istorum autem impietatem cum toto animo horreatis, caveatis, quaeso, ne in ipsam rem transferatis re abutentium culpam. Scriptores enim divinos ad aequales suos scripsisse, adeoque mores, ritus, consuetudines et opiniones sui temporis frequenter ob oculos habuisse, quis tandem negaverit? Interpretis igitur est consulere historiam, scriptoris ingenium, eamque cogitandi ac dicendi rationem, quae ipsius aetate invaluerit; ut hisce cognitis intelligi queat, quid scriptor divinus cogitaverit, cogitarique a legentibus voluerit. Illud autem utrum ad grammaticam referre velis interpretationem, quod nonnullis visum est, an historicae sive grammatico-historicae nomine appellare, quod aliis placuit, susque deque habeo. Nomen non curo: rem volo; quâ neglectâ, Scriptoribus Sacris nostri aevi no-

tiones tribui, opinionesque affingi, de quibus ne somniaverint quidem, et loquitur res ipsa et docet ingens *παρεμνησίων* numerus.

Et ita quidem sponte ducimur ad alterum illud, quod observare fuit animus. Nimirum recte iudicarunt ac praeceperunt omni aevo viri Hermeneutices peritissimi, efferendum esse sensum e Libris Sacris, non aliunde esse inferendum. Interpretes enim permulti nihil magis student, quam ut auctorum divinorum sententias ad peculiaria, nescio quorum, Philosophorum aut Theologorum placita doctrinasque flectant et torqueant, Chrysippum imitati, quem Orphei, Musaei, Hesiodi Homerique fabellas accommodasse inquit Cicero, ad ea, quae ipse de diis immortalibus dixisset; ut etiam veterimi poëtae, qui hoc ne suspicati quidem sunt, Stoici fuisse videantur. In quod vitium inciderunt quoque KANTIUS ejusque asseclae, qui adhibita morali, quam vocant, Sacras Literas interpretandi ratione, Jesum et Apostolos ita faciunt loquentes, ac si fuissent Kantiani. Ab hac vero labe integrum se et intactum servet, quicumque veri interpretis



personam sustineat. Exponere enim sensum Sacrorum Librorum, non suas illis opiniones imponere debet interpres; illumque jure merito impietatis reum postulamus, quicumque ingenii humani commenta Sacris Literis affingat, eaque pro divinis oraculis aliis veneranda obtrudat.

Sed haec hactenus. Iis, quae huc usque diximus, satis declaratum esse putamus, quale sit illud interpretandi genus, in quo rei theologiae caput et summam, initium et finem esse, jam paulo accuratius est demonstrandum. Verum, hic ita nobis occurrat quis, ut quaerat, operaene pretium facturi simus, qui illud jam probare aggrediamur, quod vix aut ne vix quidem in dubium vocari possit? Atqui, o bone! recte mones, sed non tam recte, ut tute tibi videris. Et id quidem lubentér damus atque concedimus, nostram orationem in eâ versari causâ, quae, ut primum cognita est, omnium suffragia ferre mereatur. Quod autem idcirco nos hoc labore commode supersedere posse credis, ab hac sententiâ tantum nos abesse profite-mur, ut potius haec de tectis tradenda et quavis

opportunitate inculcanda existimemus. Quis, quaeso, ille est in orbe theologico hospes, qui nesciat, permultos esse disciplinae nostrae cultores, qui vel legitimam illam, quam omnibus aliis artibus scientiisque anteponendam censemus, Sacrarum Literarum interpretationem alto supercilio contemnant, vel, cum videant meliora probentque, deteriora tamen sequantur? Ut enim illos taceam, qui lumine, quod vocant, interno gloriantes, Sacri Codicis investigationem supine negligunt; nonne alii, ad unam disciplinam suam tamquam ad saxum adhaerentes, in definitionibus scholasticis potius quam in Sacris Literis Theologo desudandum esse verbis et factis declarant? Alii vero, mentem divinam ingenii sui modulo metientes, ex unâ sapiendam dictitant ratione humanâ? Et inter ipsos illos, qui a solâ Sacrorum Librorum auctoritate standum esse judicant, Theologos, nonne bene multi inveniuntur, qui in tradenda tamen Religionis doctrinâ multo magis dogmaticis rationibus quam justâ et accuratâ harum Literarum interpretatione ducuntur? Quae cum ita sint, A. A.! nequaquam

oleum et operam perdituri nobis videmur, si hunc demum germanum esse Theologum, qui divinarum studium literarum tamquam *ἔργον* et finem tractet atque ex uno sapiat Codice Sacro, primum rationibus ex rei ipsius naturâ ductis, deinde historiae testimoniis comprobemus.

Et Theologia quidem, ut hinc ordiar, est subtilior Dei rerumque divinarum scientia. Haec vero scientia, sive erudita sit et subtilis, sive popularis et ad captum uniuscujusque hominis comparata, a Sacri Codicis fontibus haurienda est omnis. Neque enim solâ rationis ope acquiri, aut e scriptis philosophorum peti potest. Fateor equidem, hominem attenta sui ipsius hujusque universitatis contemplatione ad aliquam religionis notitiam pervenire posse, quod et luculenter docet historia. Neque is sum qui negem, veterum philosophorum libris multa contineri de Deo rebusque divinis praeclare monita. At illa bona quam innumeris malis et absurdis permixta sunt! De mundi ortu si quaeras, alii aeternum esse eum praedicant, alii

ex fortuito atomorum concursu coaluisse. De Dei providentia visne cognoscere, sunt, qui supera quidem ac coelestia Deorum nutu et consilio regi, haec autem inferiora incertis fortunae casibus agitari existiment; quid? quod ipse Cicero, licet ceteroquin rectius senserit, magna Deos curare, parva negligere contendit! Animi hominum an post mortem remaneant, si ex Epicuro quaeras, negat; Pythagoram vero si adeas, remanere illos quidem docet, sed ex corporibus in alia corpora migrare, ut (sunt verba MURETI) idem sit forte hodie gallus gallinaceus, qui tempore belli Trojani fuerat Agamemnon. Mitto alia. Neque haec ita dico, quasi de virorum, quos antiquitas tulit, maximorum laudibus detrahere velim. Hoc unum volo, antiquorum philosophorum de Deo rebusque divinis doctrinam mancā fuisse et imperfectam; et si vel omnibus numeris absoluta fuisset, admodum dubiam tamen atque incertam. Humana enim erat, quae majori, divinā scilicet, carebat auctoritate. Illud contendo, nos, luce divinā carentes, gravissimas doctrinas ignoraturos esse, et

firmitate ac stabili fundamento destitutos, huc illuc, tamquam incertis actos tempestatibus, fluctuatuos. At vero imbecillitati nostrae succurrere placuit Divino Numini. Deus (o rem omni praedicatione majorem!) Deus, inquam, generi humano mentem suam patefecit, et quum olim variis modis instituisset majores nostros per Prophetas, tandem nos edocuit per Filium. Haec autem oracula a viris sanctis, quorum mentes coelestis veritatis luce collustratae erant, literis consignari atque omnium saeculorum posteris memoriae tradi curavit, et Sacrum illum Codicem ex magna antiquitatis clade sospitem nobis fecit Ipsius providentia. Hic igitur perennis ille ac coelestis fons est, ex quo hauriant omnes, qui sapientiae sitim extinguere cupiant. Hoc est sacrarium illud, quod qui intrent, initiantur mysteriis omnium maximis atque intaminatam spectant veritatem. Haec est scala illa, cujus gradibus in coelum scandere atque illic Deum intueri, quaeque Ipse in salutem hominum moliatur, stupefactus contemplari liceat.

Quid vero tu, homuncio! tuâ sic superbis sa-

piantiâ, quasi tota haec religio, quae in Sacris Literis traditur, solo rationis ductu inveniri queat? Ostendis mihi recentiorum libros, et, vide, inquis, quantos progressus fecerit philosophia! Sed hoc profecto non est aequitatis, praeclaram illam religionis motumque doctrinam, quae nostrorum temporum scriptis continetur, progressibus philosophiae tribuere. Haec enim doctrina, e Novi Foederis libris petita, Christiana fuit ante, quam erat philosophica. Quid igitur? rivulos sectari, eosdemque turbidos et inquinatos, quam limpidissimum fontem adire mavis? At regerat alius, cum ille obmutescat, Sacris Literis se omnino non indigere, ab ipso Deo se edoctum, ipsa sapientiae coelestis luce mentem suam collustratam esse, se igitur, se esse veri nominis Theologum! Itane vero? Non tui causâ Christus e coelo delapsus atque his in terris moratus est, ut miseris mortalibus doctrinam suam annuntiaret vere divinam! Meliora tibi reservaverat Deus, et longe sublimiora te edocuit! Sed quid hominem fanaticum perstringam, A. A.! Est iste germanae religionis contemptor, visionum somniorumque

jactator; perfricat frontem, si quam habet, et se Prophetis aut Apostolis annumerandum esse praedicet! Quin potius ad sanio rem aliquando mentem redeat!

At rursus instant alii et urgent, minime solius Sacri Codicis rationem habendam esse: Patrum scripta cum Sacris Literis conjungenda: Libros Symbolicos in subsidium vocandos, atque ita religionis capita ad normam doctrinae publicae tradenda; tum demum muneri suo satisfacisse Theologum. Quibus habeo, quod respondeam. Veteris ecclesiae doctorum, quos vulgo Patres appellant, scripta magno apud me honore sunt. Uberrimos ex assiduo illorum usu in criticam et hermeneuticam, in historiam dogmatum, in eloquentiam sacram quoque redundare fructus statuo. Illorum igitur studium, ab ecclesiae nostrae doctoribus diutius quam par est neglectum, nostrâ autem aetate in Germaniâ jam feliciter excultum, etiam in Belgio a contemptu, operâ Cl. VOORSTII, Praeceptoris mei aestumatis-  
simi, laetor vindicari. In judicandâ vero religionis doctrinâ eorum auctoritatem nihil valere contendendo. Nam accommodarunt illi plerumque Sacras

Literas ad suam sentiendi cogitandique rationem, quo fit, ut qui ex illorum scriptis doctrinam Christianam cognoscere student, nebulam pro Junone amplectantur. Ad libros autem symbolicos quod attinet, conclamata esse ac desperata religionis causam, si ad eorum auctoritatem, tamquam aurum ad obrussam, exigatur doctrina, omnes intelligentes consentiunt. Illos enim libros ad Sacrarum Literarum normam componi, nec has ad illos flecti et contorqueri debere, docet res et ratio; nisi forte hujus illiusve coetus receptam doctrinae formulam primam esse fidei summamque regulam cum BOGERMANNO contendere velis.

Non vereor, A. A. H. H. ne, quae huc usque disputavimus, in vestram reprehensionem incurrant. Id autem vereor, ut vel sic tamen meam de Theologo sententiam omnibus probaverim. Nimirum objiciat mihi quis, Theologiae et Religionis discrimen me non satis attendisse; hanc quidem soli Sacrarum Literarum fundamento superstruendam esse, Theologiam vero non item. Bona verba, quaeso: Theologia a Religione discerni debet, sed



non ita, tamquam dissentiant inter se, et altera alteri repugnet. Theologiae enim objectum est Religio; atque ea demum vera est Theologia, quae cum Religione penitus consentiat. Sed ei Religionem discendi docendique rationi, quae ad popularem intelligentiam accommodata est; opponitur Theologia, quae est subtilior Religionis expositio. Verum haec subtilitas non in eo cernitur, ut nova dogmata procudat, germanae Jesu Apostolorumque doctrinae adulterina quaevis inmiscat, ac nativam ipsius simplicitatem atque splendorem sordibus scholasticis obruat. Θεολογὴν δὲ, οὐ τεχνολογὴν inquit BASILIUS. Recte ille, imo rectissime. Doctrina divina ex ipso, quo continetur, fonte divina haurienda est, ac deinde investigandum, quid alii docuerint, senserint, statuerint; quae obvia, parata, oblata nobis sunt doctrinae capita exponenda, illustranda et ab adversariorum erroribus vindicanda. Ita condamus Theologiam exegetico-dogmaticam. Dogmatica enim, quae dicitur, Theologia proprie est historica. Antiquis certe Theologis dogmata non dicebantur ipsa religionis capita, sed de iisdem placita Theologorum.

Habetis meam de vera Theologiae ratione sententiam. Et ne quis forte putet me rem novam et inusitatam tentare, eximium MELANCHTONEM hujus rationis ducem habeo atque auctorem gravissimum. Ille igitur, editis *Locis Theologicis*, in quibus primum doctrinae Evangelicae systema traditur, ecclesiae nostrae doctoribus hanc viam pandit. Collectis enim locis aliquot gravioribus, e Sacro Codice petitis, ordine distributis, ac veluti in tabellâ propositis, et adjunctâ deinde historiâ, religionis Christianae doctrinam pure et candide exponere studuit, nullis nugis scholasticis nullisque controversiis theologicis turbatam. Sed ipsum audiat virum, sic disputantem: „Indicantur hîc Christianae disciplinae praecipui loci, ut intelligat juvenus, et quae sint in scripturis potissimum requirenda, et quam foede hallucinati sunt ubique in re theologicâ, qui nobis pro Christi doctrinâ Aristotelicas argutias prodidere. Non hoc ago, ut ad obscuras aliquas et impeditas disputationes a scripturis avocem studiosos; sed ut, si quos queam, ad scripturas invitem. Imo nihil perinde optarim, atque si fieri possit Christianos

omnes in solis divinis literis liberrime versari et in illarum indolem plane transformari. Nam cum in illis absolutissimam sui imaginem expresserit divinitas: non poterit aliunde, neque certius, neque proprius cognosci. Fallitur, quisquis aliunde Christianismi formam petit, quam e scriptura canonica." Haec ille. Et quamquam non ab omni temporum suorum labe immunem se praestare potuit, quod nemini mirum sit, dignus tamen fuit Philippus, qui ab omnibus fere sui saeculi Theologis summis extolleretur laudibus. LUTHERO certe rationem suam ita probavit, ut hunc librum non modo immortalitate sed et canone ecclesiastico dignum iudicaret. Hujus itaque viri, mirifico pacis studio haud facile dixeris an exquisitâ eruditione majoris, vestigia premat Theologus. Hunc, magnum disciplinae suae Statorem, Melanchtonem, inquam, sequatur ducem, hujusque exemplo edoctus, Sacram Scripturam adhibeat Theologiae magistram. Reliquae artes atque doctrinae ei tamquam servae ac pedissequae pareant; quae si imperant ac dominantur, Theologiam habebis scholasticam, sophisticam, quam eodem

jure atque ineruditam Theologiam *Iliada malorum* dicere potuisset ipse ille Melanchton.

Sed historiae campum semel ingressis ultro se nobis offerunt alia, quae cum ad illustrandam tum ad firmandam nostram sententiam mirifice valent. Historia enim, testis temporum, lux veritatis, magistra vitae, hoc evidentissime docet atque declarat, quo magis aut exulta aut neglecta fuerit legitima Sacri Codicis interpretatio, eo meliorem etiam aut deteriorem fuisse Religionis atque Theologiae conditionem. Jam apud gentem Judaicam, quamquam una inter omnes verum Dei cultum teneret, miserimum fuisse, Servatoris aetate, religionis statum; hujusque rei non aliam exstitisse causam, quam quod Judaeorum magistri atque doctores, spretis oraculis divinis, inania traderent opinionum commenta, non est quod memorem. Sed Christus venit in terras, et magnus ab integro saeculorum nascitur ordo. Discipulorum gregibus stipatus, Palaestinam obambulat Servator, et audientium mentes coelesti suâ doctrinâ imbuunt. In omnibus Ejus sermonibus elucet majestas vere divina, cum mira

quadam simplicitate conjuncta. Utitur plerumque imaginibus, a rebus naturalibus et domesticis, a liliis, passerculis, ovibus ductis, quibus sublimiores de providâ Dei curâ, de Ipsius clementiâ, deque regno coelorum illustrat doctrinas. Tandem e terra decedens, opus ab Ipso inchoatum Apostolis absolvendum relinquit. Hi, spiritu divino afflati, orbem terrarum peragrant coelestis doctrinae praecones. Crescit in dies discipulorum, Christi nomen profitentium, numerus. Fratrum instar conjuncti sunt, atque ita se gerunt, ut unam omnes constituere familiam videantur. Paucis simplicissimisque verbis continetur fides Christiana. Sic aurea prima sata est aetas, quae, systemate nullo, sponte suâ, absque Synodis et Libris Symbolicis Deum Christumque colebat. Tanta enim erat Codicis Sacri reverentia, ut extra eum sapere aut quidquam definire auderet nemo. At quam cito aurea illa evanuit simplicitas! Nimirum humanam sapientiam in religionis doctrinam transtulerunt homines, ut eo majorem illi conciliarent auctoritatem et splendorem scilicet! Exstiterunt Patres, viri multis no-

minibus laudandi, sed quos tantus ceperat Graecae philosophiae amor, ut religionis causam desperare viderentur, nisi cum Platonis et Aristotelis causa copularetur. Sensim omni fere simplicitate, puritate et dignitate sua destitui coepit religio. Sacri Codicis studium negligi. Doctorum tantum et Conciliorum decreta evolvi. Theologi nil nisi argutias tradere et horrida placita. Quid reliqua persequar? Inseuta est nox, nox densissima. Ignorantiae et superstitionis servitute oppressa jacebant hominum ingenia, et eo jam res deducta erat, ut (incredibile dictu!) unus e Clericis librum esse repertum questus sit, Graece exaratum et Novum Foedus dictum, sed pestiferum, spinis et serpentibus plenum!

Hujus igitur execrabilis superstitionis causa ut in turpissimâ oraculorum divinorum inscitia posita erat, sic instauratum Sacrarum Literarum studium emendandae religioni atque theologiae ansam dedit. Sacer enim Codex cum e tenebris, quibus diu occultus latuerat, in lucem protrahi coepit, ecce! debellatur superstitionis monstrum, et nitore pristino

restituatur doctrina Christiana. Exorti sunt Erasmus et Lutherus, quorum uterque interpretandis Sacris Literis felicem navavit operam, atque de religionis causa immortaliter meritus est. Horum igitur duumvirorum, eorumque, quos laboris socios habuerunt, vestigia si legissent Theologi, proximis ab instauratione sacrarum temporibus, auream aetatis Apostolicae simplicitatem ac splendorem nativum sensim sensimque recuperasset religio. Sed in locum auctoritatis Pontificis Romani, quam prosperissimo successu oppugnaverat Lutherus, deinceps cheu! alia substituta est auctoritas, Patrum scilicet, Augustini inprimis, et Librorum Symbolicorum. Nimirum non omnem faecem Pontificiam statim expellere, non omnes sordes scholasticas continuo eluere poterant homines; atque ita factum est, ut Theologia, vix a Melanchtone fundata, tanta opinionum inanitate, distinctionum futilitate, verborumque barbarie denuo conspurcicaretur, ut per multos annos repurgari non posset. Exstitit tandem HUGO GROTIVS, docti stupor unicus orbis, cujus immortalis viri in interpretationem Novi praeser-

tim Foederis merita talia ac tanta fuerunt, ut illius ab ore hodieque pendeant melioris notae interpretes ad unum omnes. Eodem autem, quo ille floruit, saeculo exorti sunt plures Theologi, pietatis pariter atque eruditionis laude insignes, qui Theologiam scholasticam, quae religionem pessum dederat, ex scholis suis proscripserunt, et libero de religione iudicio usi, non ab hominum placitis sed ab oraculis divinis divinam petiere sapientiam. Horum itaque virorum operâ ac studio novam Theologiae affulsisse lucem, grati lubentesque fatentur, nostris certe temporibus, doctissimi quique Theologi. Quid ARMINIUM dicam, quid EPISCOPIUM et CURCELLAEUM aliosque summos viros, quibus secta nostra gloriatur, si secta dicenda tamen, quae, solo Sacrarum Literarum fundamento subnixa, nil ardentius exoptat, quam ut disjecta eheu! Christi corporis membra iterum in unum ecclesiae coeant corpus, unde eam *sectarum omnium devoratricem* dicere solebat GROTIUS. Verum illorum merita recensere, et universe recentioris memoriae exempla afferre vetat me temporis ratio. Ex dictis autem



jure merito concludere nobis videtur, primum, veram Religionem atque Theologiam cum legitimâ Sacri Codicis interpretatione et stetisse et cecidisse; deinde, eos semper principes fuisse Theologos, qui non a Doctorum Conciliorumque decretis sed a solis oraculis divinis pendebant, et toti quanti se Sacris Literis tradebant erudiendos.

Explicitâ ferè et comprobâtâ nostra de vera Theologiae ratione sententia, restat, ut paucis ostendam, nostris potissimum temporibus illam Theologiae summopere commendandam esse, ac simul salutares, quos inde sperare licet, fructus vobis, A. H. H. l. ob oculos ponam.

Quis, quaeso, hodierni Theologiae statûs usque adeo ignarus est, qui summam sanctissimae nostrae disciplinae cultoribus adhibendam esse cautionem non videat? In varias partes abire nostri aevi Theologi. Et alii quidem pro antiqua illa et scholastica Theologia acriter dimicant, pristinamque barbariem revocare armis et castris tentant. Quibus equidem non conviciis aut cachinnis, sed justâ po-

tius Sacri Codicis explicatione occurrendum esse statuo. Fateor et illos oraculorum interpretationem divinorum in consilium adhibere. At qualem! quae verba scripturarum tantum ubique significare praecipit, quantum possint; quae omnia *Μετὰ τὴν Πύδα* intelligere, nullam hominum temporumque rationem habere, et auctorum divinorum sententias ad receptam doctrinae formulam accommodare explicare jubet. Haec vero non est illa, quam commendavimus, historico-grammatica Sacrarum Literarum interpretatio, quam qui sequatur Theologus, nullo modo horum erroribus implicari aut ad hunc scopulum allidi poterit. Verum Charybdi tuto praetervectus, curabit simul, ne in Scyllam incidat. Alii enim, ab his toti diversi, universum doctrinae religionis complexum unius rationis fundamento niti, atque ex ea sola repeti posse existimant. Quorum insipientem sapientiam abhorret veri nominis Theologus! Profecto non is ego sum, qui rationis usum a religionis doctrina remotum velim. Absit illud quam longissime! Non frustra nobis eximiam illam mentem, divinae particulam

aurae, tribuit Summum Dei Numen. Atque Jesu Apostolorumque doctrinam cum rationis principiis penitus consentire, non ultima religionis Christianae laus est. Sed alio tendit Rationalistarum familia. Nimirum e religionis doctrina proscriptum volunt, quidquid unâ nitatur auctoritate divinâ. Omnia igitur, quae ratione humana superiora sunt, qualicunque interpretatione ad rationis humanae ditionem detrudere student. Quod ut consequantur, Sacram Scripturam, tamquam equuleo impositam, torquent tamdiu, donec ea proferat, quae cum propriis suis ac peculiaribus placitis mirifice congruant. Divinam porro Jesu Domini legationem dubiam reddunt et incertam. Miracula, ab Ipso edita, e legibus naturae explicant. Urgent denique doctrinae Christianae perfectibilitatem. Horridum vocabulum, horridior sententia! Illa enim, quam mentibus suis informarunt, religionis Christianae perfectio ejusmodi est, ut, gravissimis Jesu Apostolorumque doctrinis sublatis et rejectâ prorsus revelatione divinâ, ad meram revocetur religionem naturalem.

Germanus autem Theologus, qui ex uno sapit Codice Sacro, ab horum impudentia aberit quam longissime. Sanae Exegeseos ope sedulo ac prudenter inquiri, quid doceant scriptores sacri. Quod autem doceant, id pie credit aliisque credendum proponit. Nihil vult additum, demtum nihil; quaeque humanum captum superant, nequaquam ingenii sui modulo adstringere sustinet.

Cum autem constans doceat experientia, ita semper fieri solere, ut, jacente ac prostratâ religione, complures, multarum dubitationum fluctibus acti, et tandem infelicitis illius conditionis pertaesi, in Fanaticorum castra se conjiciant, mirum non est, hodieque multos sub Mysticorum signis militare. Hi vero, phantasiae lusibus indulgentes, Sacras Literas aequae ac rationem contemptui habent. Interpretationem certe grammatico-historicam nauci floccique faciunt, spirituales potius seu allegoricum quaerentes sensum, et decantatum illum ac misere cruciatum Pauli locum semper in ore habentes: τὸ γράμμα ἀποκρίναι, τὸ δὲ πνεῦμα ζωοποιεῖ.

Intelligitis, ni fallor, A. A! quantum undique

hac nostrâ aetâtq; Theologo immisceat erroris periculum, quatinus ei omni curâ atque studio evitandum sit, ut habeat, quo pedem figat, nec miserum in modum in ævia ac devîa abripi sese patiatur. Simul vprò vobis planum esse arbitror, omnes illos errores atque turbas non aliunde oriri, quàm ex neglecta Sacrarum justa ac legitima explicatione Literarum. Huc igitur omnem laborem, omnem operam, omnem denique diligentiam referat Theologus. In Sacrum Codicem sedulo inquireat; huic fidem habeat. Qui hunc solum sequitur duces, omnium minime aberrabit. Ille demum omnes hosce scopulos evitare poterit, seque tutum præstabit tum a foedissima superstitionis servitute, tum a misera incredulitatis et scepticismi sterilitate, tum denique a mysticorum tenebris vanissimisq; ingenii somniis.

Utinam omnes Theologi id sibi persuasum haberent, ita sentirent, ita agerent! Tanta profecto exinde in rem Christianam redundarent emolumenta, ut iis recensendis impar sit oratio mea. Tum demum priscæ suæ simplicitati, puritati ac

dignitati restitueretur religionis Christianae doctrina, e limpidissimo Sacrarum Literarum fonte petita. Nullis amplius peregrinis pannis velata foret, nullo quono oblita, nullis onerata argutis, sed simplex, inextinguita, coelesti nitens candore illo, quo Jesus Ejusque legati ipsam tradidere. Sane, si cum scholastica illa Theologia religionem comparo Christianam, mirari doleo hominum perversitatem, quae divinam hanc doctrinam tali induerit ornatu. Sed Theologia hominum opus, Religio Dei. Opinionum commenta delet dies, veritatis judicia confirmat. Vana Sacri Codicis commentaria evanescent: ipse perstat immutabilis!

Ut autem taceam, quam bene doctrinae quoque morali hac ratione consuleretur, observetis, velim, quantum exinde utilitatis fructum caperet Elequentia Sacra. Vetus est querela, paucos admodum omni aevo fuisse oratores sacros, qui viri eloquentes dici mererentur. Nec mirum. Cum enim hujus rei plures aliae sunt causae, tum et haec afferri potest, quod multi accuratum et assiduum Sacrarum Literarum studium turpiter negligunt. Est videlicet genus

quoddam religionis doctorum, hac nostra quidem aetate minus quam antea numerosum, nectamen intermortuum, qui ad gravissimum suum munus obeundum nil amplius requiri existimant, quam ut corpus quoddam Theologiae memoriae mandent, ex quo deinceps loca petant et argumenta, quae clarâ ac sonorâ et, quantum fieri potest, Stentoreâ voce pro concione recitent. Longe aliter in amplissimo hoc munere versabitur Doctor Christianus, qui oraculis divinis perscrutandis assiduo labore invigilat. Largam quippe ei praebet Codex Sacer dicendi materiam. Ab hoc, ceu fonte perenni, praestantissimarum haurit rerum copiam, quas *Emanationes Scripturarum* vocabat et subtilioribus dogmaticorum disputationibus longe praeferendas esse statuebat magnus ille BACON VERULAMIUS. Sed quid Iliada, quod ajunt, post Homerum canam, cum PALMIUS noster in divinorum interpretatione oraculorum summam oratoris sacri virtutem esse positam elegantissimâ oratione docuerit, et vero illustrissimo suo comprobaverit exemplo.

Denique (nam vela contrahenda sunt) hac demum ratione ad componenda hominum Christianorum

disidia exoptatamque Ecclesiae pacem pangendam tutissimam sternemus viam. Quem non dolore afficiat tristissimum Ecclesiae Christianae turbatae, quassatae, dilaceratae spectaculum? Quis fidelis Jesu sectator non ab imo pectore petat, et ardentissimis votis Summum Dei Numen precetur, ut, quos fratres esse Christus voluit fraternaeque charitatis teneri vinculo, tandem aliquando rixarum litiumque pertaesi dextras jungant, atque uno ore, una mente Deum Christumque colant? Hujus autem voti si tum demum compotes fiamus, cum eadem de omnibus omnes sentiant, nae conclamata ac desperata Ecclesiae pax est! Talem qui quaereret consensum, reformanda ei forent hominum ingenia. Neque vero haec umquam exstitit unitas, nec exstare vel potest vel debet. Nullane igitur superest diversos coetus Christianos inter se conciliandi via? Superest omnino. Ad Codicem Sacrum revertamur. Ad hunc, tamquam unicam fidei vitaeque normam, omnia exigamus. Tum brevi sedatae erunt turbae, placata odia, discordiae faces extinctae, et pax, diu fugata et tamquam in exilium missa, postli-



minio redibit. Veniet aliquando, veniet illud tempus (non vana auguror), quo antiquus snus Literis Sacris restituetur. hinc! Illucescet ille dies, quo Codex Sacer, per totum orbem terrarum divulgatus, populorum erit oraculum, suprema lex humanitatis! Tunc una omnibus Jesu sectatoribus mens erit, unus animus. Tunc in necessariis unitas, in non necessariis libertas, in omnibus charitas. Ad te igitur confugiamus, o vitae dux! o magistra morum, pacis conciliatrix! A te operam petamus: tibi nos, ut antea magna ex parte, sic nunc penitus totosque tradamus. Est autem unus dies, bene et ex praeceptis tuis actus, peccanti immortalitati anteponendus.

Lactam illud tempus ut accellerent Theologi, omni cura atque studio ipsis enitendum est. Hoc vero ut consequantur, nequaquam perinde est, quo animo ad Sacrarum interpretationem Literarum accedant. Nimirum animo a praepjudicatis opinionibus libero, pacis amantissimo et vere pio in hanc artem incumbant, oportet. Vere dictum est a Veteribus,

optimum esse interpretem eum, qui proxime ad  
ejus, quem interpretatur, divinitatem accedat. Qui-  
cunque animum habeat a veritatis pietatis pacis-  
que studio alienum, is a divinorum investigatione  
oraculorum tamquam profanis arceatur. Quare  
exsecorur nullis non mihi laudibus extollendus  
videtur, qui in gravi illa oratione, quam Acadē-  
miae valedicturus ad studiosam habuit Juventutem,  
id sibi semper propositum fuisse fatetur, ut suo-  
rum pectora discipulorum ante omnia veritatis,  
pietatis ac pacis amore imbueret. Quem virum  
quoties cogito (cogito autem saepius), verecundo  
pudore suffundor, qui jam illum locum occupo,  
quem ipse omnium primus illustravit. Sed et aliae  
accedunt rationes, quae me summo opere commo-  
veant et festi hujusce diei laetitiam frangant. Quae  
enim Episcopii, eadem et mea casa fuit. Aegre  
admodum a coetu Rotepadamensi abduci me pas-  
sus sum, nec ille me libens dimisit. Linqvenda  
mihi fuit patria civitas. Linqvenda tot mihi ca-  
rissima capita: pater senex, mater dilectissima,  
jam hisce duobus meis fratribus orbata, haud

pauci insuper amici integerrimi, quorum nonnullos, eodem studii genere mecum conjunctos, hîc mei causâ. adesse laetus gratusque video, quibuscum per multos annos, constitutis horis atque diebus, inter Socratica pocula confabulari jucundissime mihi contigit. At vero omnes hasce cogitationes vicit Virorum Venerandorum, qui coetibus nostris praesunt, cunctisque suffragiis gravissimum hoc munus in me detulerunt, voluntas, cui equidem resistere non potui, ac si potuissem, noluissem. Nulla enim non onera lubenter sustinenda duco, nullas non molestias facile perferendas pro salute publicâ literarum et ecclesiae. Modo nullam habere metuendi causam, ne negotium in me susceperim, quod humeri ferre recusent. Sed omnem meam spem, fiduciam omnem in Deo, Optimo rerum mearum Moderatore, repono, quém benignum atque propitium adesse omnibus, vero atque integro animo Ejus auxilium implorantibus, et Sacrae me docuerunt Literae, et omnis vitae meae anteactae comprobavit experientia. Coelesti itaque hoc auxilio fretus, honorificam provinciam mihi mandatam capesso,

atque omni id agam studio, ut, quod aetati desit et viribus, industriâ ac labore compensem.

Quod quidem Vobis praesertim spondeo, Viri Summe Venerandi, Seminarii hujus Curatores! Quâ ratione in gravissimo, quod mihi delatum est, munere versaturus sum, jam meâ, qualicunque oratione Vobis aperui, qua mihimet Scholaeque nostrae alumnis hunc imitandum proposui Theologum, qui, nulli addictus doctrinae, solam Dei sequatur auctoritatem, a divinisque literis ducat divinarum rerum scientiam. Ea sane vivimus tempora, laetantibus bonis omnibus, quibus liberalior invaluit Theologiae tractandae ratio atque evanescere coeperunt sectarum odia. Habeo tamen, quod mihi gratuler, qui in hac Scholâ nostrâ sanctissimae Theologiae doctoris munere fungar, libero iudicio, nullâ ejusmodi adstrictus necessitate, ut mihi, velim nolim, sit certa quaedam tuenda sententia. Hoc autem spondeo, me ex eorum semper fore numero, qui, prout jubet Apostolus, *αληθεύουσιν ἐν ᾠδῇ*. Hoc pro certo Vobis polliceor, mihi nil potius, nil antiquius fore, quam ut, quantum

equidem possim, discipulorum meorum mentes summâ oraculorum divinorum veneratione et flagrantissimo Dei Christique amore impleam. Illud denique testor sancteque promitto, si quid est in me ingenii aut doctrinae, quod sentio quam sit exiguum, id omne in gravissimam hanc disciplinam me ita esse collaturum, ut Vestrâ de me expectationem, superare cum nequeam, adaequare tamen mihi contingat!

Vos autem cum intueor, Viri Summe Venerandi! tristissima subit animum cogitatio. Frustra enim oculis meis quaero Socrum dilectissimum, et nondum sopito tam cari capitis desiderio nunc vehementius commoveor. Utinam hic adesset, et se voti sui compotem factum esse gauderet! Sed privatum meum luctum opprimere malo, quam acerbissimum vestrum omnium renovare dolorem. Cum illo vero quis neget actum esse praeclare, qui ex hac laboriosâ et aerumnosâ vitâ ad quietem illam veram et perpetuam vocatus est? o! Ita sim felix, anima sancta! ut, Tuis insistens vestigiis, vitâ recte et utiliter exactâ, dilectus omnibus,

omnibus flebilis, ad beatas beatorum sedes transcam!

Ad Te, mea se convertit oratio, Clarissime KONYENBURG! Quominus praeclara Tua in me merita recenseam, Teque coram in os laudem, singularis illa Tua vetat modestia. Quem autem alumnum prosecutus es humanitate, quâ nulla major, eundem collegam et successorem diligere ne dedigneris. Sic autem existimes velim, ad quaevis Tibi humanitatis et amicitiae officia praestanda me semper paratum fore, quin paratissimum. Quod reliquum est, Vir humanissime! Deum Optimum Maximum supplex veneror, ut Tibi otium concedat laetum, senectutem jucundam, mortem beatam! - Quam vellem et hac horâ alloqui possem ceteros Viros Clarissimos, quorum lectionibus, monitis item et sermonibus me usum fuisse magnam felicitatis meae partem habeo. Per biennium enim in Academia Lugduno-Batava scholas frequentare mihi contigit PALMII, VOORSTII, SIEGENBEEKII, WYTTEBACHII, WYNPERSII, et, quem non ultimo loco

nominare debuisssem, celeberrimi BORGERI, in ipso eheu! aetatis flore concisi. Horum omnium igitur Virorum praestantissimorum tanta in me exstant beneficia, ut quibus id rebus satis umquam declarare possim, nesciam. Deinceps vero huc delatus, Praeceptores nactus sum KOOPMANSIUM, virum non sine lacrymis et laudibus nominandum; HENGELIUM quoque, jam ab hinc decessum, ut qui olim Athenaei Amstelaedamensis, nunc Academiae Lugduno-Batavae decus sit et ornamentum; Te denique, Clarissime WILLMET! quem hîc praesentem et vigentem intueri vehementer gaudeo! Et Tibi gratulor otium, cum dignitate conjunctum! Quâ me hactenus ornare voluisti amicitia, illam ut mihi semper integram conserves, rogo Te et obsecro!

Vobis omnibus, Viri Clarissimi! qui, sive in Illustri Athenaeo, sive in Seminariis, hac in urbe conditis, gravissimas profitemini disciplinas, me quam commendatissimum cupio. Admittite me, quaeso, in Vestram amicitiam. Benigno animo excipiat is juvenem, qui, si doctrinâ et eruditione Vos aequare nequeat, id quod numquam futurum

esse reor, a nemine tamen obsequio et benevolentia facile se vinci patietur. Quod quidem si a Vobis longa oratione flagitarem, Clarissimi ROOYENS, MULLER et KOOPMANS! foret sane, quod amicitiae, qua me dudum prosecuti estis, diffidere viderer. Nos jam in eadem civitate, eodem fere tempore, eandem Spartam sortitos esse, id profecto tam gratum atque laetum mihi accidit, ut quibus verbis gaudium meum exprimam, non habeam. Tibi imprimis, amicissime KOOPMANS! me ita devinctum esse Tibi persuadeas velim, ut, quas Patri optimo persolvere nequeam grates, optimo Filio, paternae laudis haeredi, referre conaturus sim. Perpetua nos jungat, Collegae conjunctissimi! fraterna charitas; et conjunctis viribus eo tendamus, ut nos Theologiam profiteamur, e purissimo Sacri Codicis fonte petitam, et homines amorem Theologicum amorem vere divinum esse intelligant!

Tandem ad Vos me converto, Commilitones Optimi! Theologiae Studiosi! Vos imprimis compello, qui me studiorum comitem ac socium adhibebitis! Videbitis me quotidie causâ vestrâ efficientem quae-




cunque potéro; conantem etiam ea, quae non potero. Accepistis, Sacrarum interpretationem Literarum fontem esse ac principium, unde omnis petenda est Dei rerumque divinarum scientia. Haec itaque nocturnâ versate manu, versate diurnâ; Jam laeta rei Christianae affulget spes. Jam novus saeculorum nascitur ordo. Insigni utique tempore ad Theologica Vos accingitis studia. Quid statis igitur, Viri Juvenes! Per ipsam hanc Musarum sedem, per illos Grotios, Episcopios, Curcellaeos, Limborchios, consecrata ad omnem posteritatis memoriam nomina, oro Vos et obsecro, ut, in haec studia toto pectore incumbatis, oracula divina dies noctesque investigetis, et veritatis, pietatis, pacisque flagretis amore! Sic aliquando magni viri eritis, et germani Theologi!

DIXI.



















































































1	2	3	4	5	6	7	8	9	10	11	12	13	14	15	16	17	18	19	20	21	22	23	24	25	26	27	28	29	30	31	32	33	34	35	36	37	38	39	40	41	42	43	44	45	46	47	48	49	50	51	52	53	54	55	56	57	58	59	60	61	62	63	64	65	66	67	68	69	70	71	72	73	74	75	76	77	78	79	80	81	82	83	84	85	86	87	88	89	90	91	92	93	94	95	96	97	98	99	100	101	102	103	104	105	106	107	108	109	110	111	112	113	114	115	116	117	118	119	120	121	122	123	124	125	126	127	128	129	130	131	132	133	134	135	136	137	138	139	140	141	142	143	144	145	146	147	148	149	150	151	152	153	154	155	156	157	158	159	160	161	162	163	164	165	166	167	168	169	170	171	172	173	174	175	176	177	178	179	180	181	182	183	184	185	186	187	188	189	190	191	192	193	194	195	196	197	198	199	200	201	202	203	204	205	206	207	208	209	210	211	212	213	214	215	216	217	218	219	220	221	222	223	224	225	226	227	228	229	230	231	232	233	234	235	236	237	238	239	240	241	242	243	244	245	246	247	248	249	250	251	252	253	254	255	256	257	258	259	260	261	262	263	264	265	266	267	268	269	270	271	272	273	274	275	276	277	278	279	280	281	282	283	284	285	286	287	288	289	290	291	292	293	294	295	296	297	298	299	300	301	302	303	304	305	306	307	308	309	310	311	312	313	314	315	316	317	318	319	320	321	322	323	324	325	326	327	328	329	330	331	332	333	334	335	336	337	338	339	340	341	342	343	344	345	346	347	348	349	350	351	352	353	354	355	356	357	358	359	360	361	362	363	364	365	366	367	368	369	370	371	372	373	374	375	376	377	378	379	380	381	382	383	384	385	386	387	388	389	390	391	392	393	394	395	396	397	398	399	400	401	402	403	404	405	406	407	408	409	410	411	412	413	414	415	416	417	418	419	420	421	422	423	424	425	426	427	428	429	430	431	432	433	434	435	436	437	438	439	440	441	442	443	444	445	446	447	448	449	450	451	452	453	454	455	456	457	458	459	460	461	462	463	464	465	466	467	468	469	470	471	472	473	474	475	476	477	478	479	480	481	482	483	484	485	486	487	488	489	490	491	492	493	494	495	496	497	498	499	500	501	502	503	504	505	506	507	508	509	510	511	512	513	514	515	516	517	518	519	520	521	522	523	524	525	526	527	528	529	530	531	532	533	534	535	536	537	538	539	540	541	542	543	544	545	546	547	548	549	550	551	552	553	554	555	556	557	558	559	560	561	562	563	564	565	566	567	568	569	570	571	572	573	574	575	576	577	578	579	580	581	582	583	584	585	586	587	588	589	590	591	592	593	594	595	596	597	598	599	600	601	602	603	604	605	606	607	608	609	610	611	612	613	614	615	616	617	618	619	620	621	622	623	624	625	626	627	628	629	630	631	632	633	634	635	636	637	638	639	640	641	642	643	644	645	646	647	648	649	650	651	652	653	654	655	656	657	658	659	660	661	662	663	664	665	666	667	668	669	670	671	672	673	674	675	676	677	678	679	680	681	682	683	684	685	686	687	688	689	690	691	692	693	694	695	696	697	698	699	700	701	702	703	704	705	706	707	708	709	710	711	712	713	714	715	716	717	718	719	720	721	722	723	724	725	726	727	728	729	730	731	732	733	734	735	736	737	738	739	740	741	742	743	744	745	746	747	748	749	750	751	752	753	754	755	756	757	758	759	760	761	762	763	764	765	766	767	768	769	770	771	772	773	774	775	776	777	778	779	780	781	782	783	784	785	786	787	788	789	790	791	792	793	794	795	796	797	798	799	800	801	802	803	804	805	806	807	808	809	810	811	812	813	814	815	816	817	818	819	820	821	822	823	824	825	826	827	828	829	830	831	832	833	834	835	836	837	838	839	840	841	842	843	844	845	846	847	848	849	850	851	852	853	854	855	856	857	858	859	860	861	862	863	864	865	866	867	868	869	870	871	872	873	874	875	876	877	878	879	880	881	882	883	884	885	886	887	888	889	890	891	892	893	894	895	896	897	898	899	900	901	902	903	904	905	906	907	908	909	910	911	912	913	914	915	916	917	918	919	920	921	922	923	924	925	926	927	928	929	930	931	932	933	934	935	936	937	938	939	940	941	942	943	944	945	946	947	948	949	950	951	952	953	954	955	956	957	958	959	960	961	962	963	964	965	966	967	968	969	970	971	972	973	974	975	976	977	978	979	980	981	982	983	984	985	986	987	988	989	990	991	992	993	994	995	996	997	998	999	1000	1001	1002	1003	1004	1005	1006	1007	1008	1009	1010	1011	1012	1013	1014	1015	1016	1017	1018	1019	1020	1021	1022	1023	1024	1025	1026	1027	1028	1029	1030	1031	1032	1033	1034	1035	1036	1037	1038	1039	1040	1041	1042	1043	1044	1045	1046	1047	1048	1049	1050	1051	1052	1053	1054	1055	1056	1057	1058	1059	1060	1061	1062	1063	1064	1065	1066	1067	1068	1069	1070	1071	1072	1073	1074	1075	1076	1077	1078	1079	1080	1081	1082	1083	1084	1085	1086	1087	1088	1089	1090	1091	1092	1093	1094	1095	1096	1097	1098	1099	1100	1101	1102	1103	1104	1105	1106	1107	1108	1109	1110	1111	1112	1113	1114	1115	1116	1117	1118	1119	1120	1121	1122	1123	1124	1125	1126	1127	1128	1129	1130	1131	1132	1133	1134	1135	1136	1137	1138	1139	1140	1141	1142	1143	1144	1145	1146	1147	1148	1149	1150	1151	1152	1153	1154	1155	1156	1157	1158	1159	1160	1161	1162	1163	1164	1165	1166	1167	1168	1169	1170	1171	1172	1173	1174	1175	1176	1177	1178	1179	1180	1181	1182	1183	1184	1185	1186	1187	1188	1189	1190	1191	1192	1193	1194	1195	1196	1197	1198	1199	1200	1201	1202	1203	1204	1205	1206	1207	1208	1209	1210	1211	1212	1213	1214	1215	1216	1217	1218	1219	1220	1221	1222	1223	1224	1225	1226	1227	1228	1229	1230	1231	1232	1233	1234	1235	1236	1237	1238	1239	1240	1241	1242	1243	1244	1245	1246	1247	1248	1249	1250	1251	1252	1253	1254	1255	1256	1257	1258	1259	1260	1261	1262	1263	1264	1265	1266	1267	1268	1269	1270	1271	1272	1273	1274	1275	1276	1277	1278	1279	1280	1281	1282	1283	1284	1285	1286	1287	1288	1289	1290	1291	1292	1293	1294	1295	1296	1297	1298	1299	1300	1301	1302	1303	1304	1305	1306	1307	1308	1309	1310	1311	1312	1313	1314	1315	1316	1317	1318	1319	1320	1321	1322	1323	1324	1325	1326	1327	1328	1329	1330	1331	1332	1333	1334	1335	1336	1337	1338	1339	1340	1341	1342	1343	1344	1345	1346	1347	1348	1349	1350	1351	1352	1353	1354	1355	1356	1357	1358	1359	1360	1361	1362	1363	1364	1365	1366	1367	1368	1369	1370	1371	1372	1373	1374	1375	1376	1377	1378	1379	1380	1381	1382	1383	1384	1385	1386	1387	1388	1389	1390	1391	1392	1393	1394	1395	1396	1397	1398	1399	1400	1401	1402	1403	1404	1405	1406	1407	1408	1409	1410	1411	1412	1413	1414	1415	1416	1417	1418	1419	1420	1421	1422	1423	1424	1425	1426	1427	1428	1429	1430	1431	1432	1433	1434	1435	1436	1437	1438	1439	1440	1441	1442	1443	1444	1445	1446	1447	1448	1449	1450	1451	1452	1453	1454	1455	1456	1457	1458	1459	1460	1461	1462	1463	1464	1465	1466	1467	1468	1469	1470	1471	1472	1473	1474	1475	1476	1477	1478	1479	1480	1481	1482	1483	1484	1485	1486
---	---	---	---	---	---	---	---	---	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	-----	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------	------



